
COMUNICÂT STAMPE

**REPLICHE SPECIÂL "SUNS 2012" IN PRIME SERADE
SU RAITRE BIS A ZENÂR**

**UNE VORE PRESEÂT IL VIDEO DI CLAUDIA BRUGNETTA DEDICÂT
AL FESTIVAL MUSICÂL TES LENGHIS DI MINORANCE**

Udin, ai 16 di Dicembar 2012 - "Chi a Udin o vin passât une esperience straordenarie". Onno Falkena, il president de zurie dal Liet International - ven a stâi il plui grant festival european dedicât aes cjançons in lenghis minoritariis - "al à incoronât" Udin tant che la citât che e à savût miôr interpretâ il spirt di chest event che tal timp al è rivât a meti adun simpri plui artiscj, public e operadôrs.

Lu à fat al microfon di Claudia Brugnetta, tal speciâl che je e à direzût par Raitre "Liet International - Suns 2012" e lâit in onde vuê buinore te suaze de programazion de sede RAI dal Friûl Vignesie Julie. Si son podudis gjoldi lis imagjinis dal concerti dal prin di Novembar a Udin pe cuarte edizion di SUNS, event Nassût tal 2009 tant che proget strategjic de ARLeF-Agenzie regionâl pe lenghe furlane, organizât des cooperativis Il Campo e Informazione Friulana.

Viodût il sucès, il speciâl di mieze ore al larà in onde in repliche su Raitre Bis in prime serade a Zenâr 2013 (cun date ancjemò di definî) cun intervistis e tocs di dutis lis cjançons in gare: il grup rock codroipês Jonokognos e il zovin cuintet punk cjargnel dai Mig 29 over

Disneyland; i vincidôr 2012 ven a stâi i algherês Claudia Crabuzza e Claudio Gabriel Sanna; il cjantautôr francprovenzâl Billy Fumey; il grup rock-eletronic dai Cha Da Fö (romanç dai Grisons); il cjantautôr ladin Jean Ruaz; il rapper sart Randagiu Sardu; il rock pop de minorance cravuate dal Burgenland in Austrie interpretât di Ruben Dimitri e il folk acustic de Ocitanie francese dai Somi de Granadas.

La sigle finâl e je dedicate ae performance dal ospit di onôr, ven a stâi Jens L. Thomsen, cetant originâl fondadôr dal grup dai Orka, formazion des lontanis isulis danesis Fær Øer che a à quartât a Udin melodiis cence timp e cence spazi interpretadis di une vôs profonde, cun struments costruîts di bessôi e musiche eletroniche.